



Broj: 05/1-50-15-26-37-4/24

Sarajevo, 3.6.2024.

Na osnovu člana 3. Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08), čl. 8. i 11. Poslovnika o radu Nezavisnog odbora kao nezavisnog tijela policijske strukture Bosne i Hercegovine („Službeni glasnik BiH“, broj 93/09), Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine, broj: 03-34-6-36/10 od 5. 1. 2010, i Odluke o raspisivanju Javnog konkursa za provođenje procedure odabira kandidata na poziciju direktora Državne agencije za istrage i zaštitu, broj: 05/1-50-15-26-36-4/24 od 20.5.2024, Nezavisni odbor kao nezavisno tijelo policijske strukture Bosne i Hercegovine

r a s p i s u j e

JAVNI KONKURS

za provođenje procedure odabira kandidata za izbor direktora

Državne agencije za istrage i zaštitu

I. PRAVNI OSNOV

Nezavisni odbor kao nezavisno tijelo policijske strukture Bosne i Hercegovine, u skladu sa Zakonom o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08) i Poslovníkom o radu Nezavisnog odbora kao nezavisnog tijela policijske strukture Bosne i Hercegovine („Službeni glasnik BiH“, broj 93/09), provodi postupak odabira najuspješnijeg kandidata za poziciju:

1. Direktor Državne agencije za istrage i zaštitu

Broj izvršilaca: 1 (jedan)

II. OPIS POSLOVA

Direktor Državne agencije za istrage i zaštitu predstavlja Državnu agenciju za istrage i zaštitu (u daljnjem tekstu: SIPA), izrađuje godišnji plan rada prema smjernicama predsjedavajućeg Vijeća ministara BiH, te godišnji budžet SIPA-e i predlaže ih ministru sigurnosti BiH, koji ih prosljeđuje Vijeću ministara BiH; rukovodi i usmjerava obavljanje poslova iz nadležnosti SIPA-e; osigurava pravilno izvršavanje smjernica i naloga tužioca o radnjama policijskih službenika u vezi s krivičnim postupkom; osigurava saradnju s organima za provođenje zakona te ostalim odgovarajućim tijelima u BiH; osigurava saradnju s organima

za provođenje zakona i ostalim nadležnim službama stranih država, kao i provođenje ostalih međunarodnih sporazuma o policijskoj saradnji i drugih međunarodnih instrumenata iz nadležnosti SIPA-e; uz saglasnost Vijeća ministara BiH, donosi pravilnike kao i druge propise predviđene zakonom, koji su potrebni za obavljanje poslova iz nadležnosti SIPA-e; raspoređuje dužnosti pomoćnicima direktora, načelnicima i ostalim rukovodiocima osnovnih organizacionih jedinica u skladu sa zakonom, pravilnikom i drugim propisima; donosi odluke o zapošljavanju, raspoređivanju i prestanku rada zaposlenih u SIPA-i, u skladu s odgovarajućim zakonima i propisima; provodi aktivnosti za nabavku oružja i municije u saradnji s Agencijom za policijsku podršku, a uz saglasnost ministra sigurnosti BiH; provodi aktivnosti u vezi s programima obuke i stručnog usavršavanja zaposlenih u SIPA-i, a shodno Zakonu o Direkciji za koordinaciju policijskih tijela i o agencijama za podršku policijskoj strukturi BiH i Zakonu o policijskim službenicima BiH; podnosi godišnji izvještaj o radu i situaciji na područjima iz nadležnosti SIPA-e ministru sigurnosti BiH, koji ga prosljeđuje Vijeću ministara BiH te posebne izvještaje po potrebi ili na zahtjev ministra sigurnosti BiH; podnosi izvještaj Parlamentarnoj skupštini BiH, Vijeću ministara BiH i Predsjedništvu BiH, na njihov zahtjev; obavlja druge dužnosti propisane zakonom i drugim propisima.

Direktor je odgovoran za zakonitost rada SIPA-e i za zakonito trošenje sredstava dodijeljenih SIPA-i iz budžeta institucija Bosne i Hercegovine i međunarodnih obaveza Bosne i Hercegovine.

Direktor je za svoj rad i rad SIPA-e, te za situaciju na područjima iz nadležnosti SIPA-e odgovoran ministru sigurnosti BiH i Vijeću ministara BiH.

III. MANDAT

Direktor Državne agencije za istrage i zaštitu imenuje se na mandat od četiri godine.

IV. OPĆI USLOVI

Kandidati za ovu poziciju moraju ispunjavati sljedeće opće uslove: da su stariji od 18 godina, da su državljani Bosne i Hercegovine, da nisu otpušteni iz državne službe u institucijama BiH, odnosno entiteta kao rezultat disciplinske mjere u periodu od tri godine prije dana podnošenja prijave za upražnjenu poziciju, da su zdravstveno sposobni za obavljanje navedenih poslova na koje se prijavljuju, da se protiv njih ne vodi krivični postupak, da nisu osuđeni za krivično djelo, osim krivičnih djela protiv sigurnosti saobraćaja i da nisu obuhvaćeni odredbom člana IX. stav 1. Ustava BiH.

V. POSEBNI USLOVI

Pored općih uslova, kandidati za poziciju iz ovog javnog konkursa moraju ispunjavati i sljedeće posebne uslove, i to: da imaju visoku stručnu spremu - VII stepen obrazovanja i radno iskustvo u toj spremi u trajanju od najmanje pet godina, da imaju čin glavnog inspektora policije ili viši čin i najmanje tri godine rada u tom činu i da nisu članovi političke stranke.

VI. POTREBNA DOKUMENTACIJA

Kandidat je dužan da uz potpisanu prijavu na javni konkurs dostavi originale ili od nadležnog organa ovjerene kopije sljedećih dokumenata:

1. vlastoručno potpisanu radnu biografiju (CV) sa potpisanom izjavom o nacionalnom opredjeljenju, adresi, e-mail adresi i broju telefona za kontaktiranje;
2. uvjerenje o državljanstvu Bosne i Hercegovine, ne starije od šest mjeseci;
3. ovjerenu i potpisanu izjavu da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana podnošenja prijave za upražnjenu poziciju;
4. dokaz da se protiv kandidata ne vodi krivični postupak (ne stariji od tri mjeseca);
5. ovjerenu i potpisanu izjavu da nije obuhvaćen odredbom člana IX. stav 1. Ustava Bosne i Hercegovine;
6. ovjerenu kopiju fakultetske diplome (nostrificirane diplome ako fakultet nije završen u BiH ili je diploma stečena u nekoj drugoj državi nakon 6. 4. 1992.);
7. uvjerenje ili potvrdu o traženom radnom iskustvu u visokoj stručnoj spremi;
8. dokaz da ima čin glavnog inspektora policije ili viši čin i najmanje tri godine rada u tom činu;
9. ovjerenu i potpisanu izjavu da nije član političke stranke;
10. ovjerenu i potpisanu izjavu da je saglasan s vršenjem sigurnosnih provjera u skladu sa Zakonom o zaštiti tajnih podataka („Službeni glasnik BiH”, br. 54/05 i 12/09).

Dokumenti se dostavljaju u originalu ili ovjerenjima. Dokumenti priloženi uz prijavu na javni konkurs neće biti vraćeni kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Napomena:

Za sve kandidate koji dostave potpunu, urednu i blagovremenu prijavu Nezavisni odbor će po službenoj dužnosti izvršiti provjere o osuđivanosti/neosuđivanosti za krivično djelo, sa izuzetkom krivičnih djela iz oblasti sigurnosti saobraćaja.

Tokom postupka odabira Nezavisni odbor Parlamentarne skupštine BiH kao nezavisno tijelo policijske strukture BiH razmotrit će prijave kandidata i s kandidatima koji ispunjavaju tražene uslove obaviti intervju. Nakon okončanja postupka odabira, Nezavisni odbor dostavit će

ministru sigurnosti BiH imena najviše pet kandidata za direktora Državne agencije za istrage i zaštitu.

Prije dostavljanja liste uspješnih kandidata ministru sigurnosti BiH kandidati su dužni Nezavisnom odboru dostaviti dokaz da su zdravstveno sposobni za obavljanje poslova pozicije direktora Državne agencije za istrage i zaštitu.

Neblagovremene prijave neće biti razmatrane, a nepotpune i neuredne prijave bit će odbačene.

VII. OBJAVLJIVANJE KONKURSA

Ovaj konkurs objavljuje se u „Službenom glasniku BiH“, „Službenom glasniku Brčko Distrikta BiH“, u dnevnim novinama: „Oslobođenje“, „Večernji list“ i „Glas Srpske“, kao i na veb-stranici Parlamentarne skupštine BiH.

VIII. ROK ZA PODNOŠENJE PRIJAVA

Prijave na Javni konkurs s traženom dokumentacijom dostavljaju se preporučeno poštom, uz upozorenje „**NE OTVARATI**“, najkasnije 15 dana od dana objavljivanja u „Službenom glasniku BiH“, na adresu:

Parlamentarna skupština Bosne i Hercegovine - Nezavisni odbor

71000 Sarajevo, Trg BiH br. 1, s naznakom

„Javni konkurs za direktora Državne agencije za istrage i zaštitu“